

Gvangjsih Minzczu Bau

广西民族报 aenhauh okbanj: CN45-0036 B.2021 Nd.6 Ng.2 liggaeuq sincouj nienz ndwenseiq ngeihngeih

Baihguenjbanh:
Gvangjsih Bouxcuengh Swcigih
Minzczu Cunghgyau Swvu
Veijyenzei
Biengauj okbanj:
Gvangjsih Minzczu Bause
Geizsoq: Gungh daih 3476 geiz
Geiz neix 8 banj

Siz Ginbingz Fak Saenq Hoh Cungguek Yizbau Cauhbanh Ok Bauq 40 Hopbi Giengzdiuh Langhbaij Cungguek Caensaed Lizdij Cienzmienh Engq Ndei Bae Vih Coicaenh Cungguek Caeuq Seiqqyiaiq Doxgyau Doxdoeng Guh'ok Gungyen Moq

习近平致信祝贺中国日报创刊40周年强调

更好展示真实立体全面的中国 为促进中国和世界交流沟通作出新的贡献

Sinhvazse Baeking 5 nyied 27 hauh dien Youq mwh Cungguek Yizbau cauhbanh ok bauq 40 hopbi, Cunghung Cunghyangh cungsuhgi, guekgya cajsiz, Cunghyangh Ginhveij cajsiz Siz Ginbingz fak saenq bae hoh, caensim caen'ei camnai daengxcungq ganbu cizgungh bause caeuq lauxhangz, baengzyoux guekrog.

Siz Ginbingz youq ndaw saenq naeuz, 40 bi doxdaeuj, Cungguek Yizbau fatok gijnde bonjfaenh,

gaenxmaenx senhconz gaisau Cungguek gajgwz hailangh, vih gangj ndei gij gojgaeq Cungguek, cienzboq gij sing'yaem Cungguek fatok gij cozyung youqgaenj.

Siz Ginbingz maqmuengh Cungguek Yizbau dawz cauhbanh ok bauq 40 hopbi guh gizhaidin moq, geiqmaenh gij cizcwz doxlienx guek ndaw guek rog, doxdoeng seiqqyiaiq, gaemdawz aen gizmen hung seizseiq hung, cauhmoq aen dihi vahgangj

doiqrog, cauhlaeb aen gwzgz cienzboq daengx meizdij, hwnjguh aen doih suciz sang, mboujduenh daezsang gij rengz yingyangi gozci, gaisau gij leixniemh hwnghat, diuzroen hwnghat, gij cingzek hwnghat Cungguek engq ndei bae, langhbaij Cungguek caensaed, lizdij, cienzmienh engq ndei bae, vih coicaenh Cungguek caeuq seiqqyiaiq doxgyau doxdoeng guh'ok gungyen moq.

Cungguek Yizbau 1981 nienz 6

nyied 1 hauh cauhbanh ok bauq, dwg yinghvwz yizbau guekgya gaep Cungguek moq laebbaenz le faenh daih'it daengx seiqqyiaiq fathengz. Ginggvaq 40 bi hwnghat, gaeng guhbaenz aen dihi daengx seiqqyiaiq, bouxdoeg lai, lai loh saw, daengx meizdij cienzboq, bauqceij soqfathengz 70 fanh faenh baedauq, daengx meizdij cungsoq vunzyungh mauhgvaq 3.5 ik.



Sanhgyangh: Ciengqgo Diuqfoux Ciep "Roek It"

三江:载歌载舞迎“六一”

Youq mwh ciet lwgnyez gozci "roek it" yaek daeuj daengz, 5 nyied 30 hauh Sanhgyangh Duncuz Swciyen Aen Cunghsinh Hozdung Rog Dangz Bouxcoz Nyezrauh cujci mbangj hagdangz comzyouq Gujyiz Cin Gyanghconh Siujoyz aen yienh neix haiguh aen hozdung langhbaij dinfwngz caeuq cienzdoengj diyyuz "gou gyaeh Sanhgyangh" nem "hag lizsij aendangj, gyo' mbaig aen aendangj, gaenriengz aendangj byaij", gyoengq lwgnyez yienj dik lwgyienh, dwk gyangq daengj caeuq yienjciengq golaux Duncuz, danzciengq gobizbaz Duncuz, caij din venz daengj hozdung lai yiengh, hawj gyoengq lwgnyez angqyangz ciepcoux ngoenzciet duh bonjfaenh.

(Vuz Lenyinh)

Guengjsae Cienzmienh Doinyoengx Lajmbanj Hwnghoengh Hwnjguh Nungzyez Nungzcunh Yendaiva Lai Vaiq

广西全面推进乡村振兴 加快农业农村现代化建设

5 nyied 27 hauh, aen hoih lwnh saehmoq Swcigih Cwngfuj lwnh vunz-lai rox, gih raeuz lajmbanj hwnghoengh caeuq hwnjguh nungzyez nungzcunh yendaiva gaenq cienzmienh hainduj, anbaiz doinyoengx gij gunghcwngz caeuq hengzdoengh cungdenj gvendaengz cingceih vanzging vunzyouq lajmbanj, daezswng yiengh aenmbanj, gihcu j sezsizh caeuq gunghung fuzvu, singz mbanj doxyungz hwnghat daengj fuengmienh.

2020 nienz, gih raeuz nungzyez

nungzcunh ginghci hwnghat aeundaiej cingzek yienhda, vih daengx gih ginghci sevei hwnghat onjdingh fatok gij cozyung youqgaenj, canjyez daih'it soqgyalai daengz 3555.8 ik maenz, doengzbeij demlai 5%, gyalai suzdu laebdaeb geij bi sang gvaq daengx guek bingzyaenz suijbingz; vunz lajmbanj bingzyaenz bouxvunz ndaej ceiyungh souhaeuj 14815 maenz, doengzbeij mingzdaeuz demlai 8.3%, demlai fukdoh baiz daengx guek baihnaj. Daengz 2021 nienz geiqdoh nduj, daengx gih gyoebseueng

guhbaenz dieg guhyienh nungzyez miz daegsaek daihneix swcigih gaep 339 aen, dieg guhyienh yienh gaep 873 aen, suen guhyienh yangh gaep 3404 aen, cauh le buek dieg hwnghat nungzyez daihneix ndeu, guhbaenz le aen canjyez gyoebcomz ndaem gohaeux, ndaem oij, ndaem mak, ndaem byaekheu, ciengx bya, ciengx vaiz ciengx max daengj dij 6000 ik maenz caeuq 3 aen 500 ik maenz canjyez gyoebcomz miz ciengx nonsei, ndaem ywdoj, ciengx gaeq ciengx bit. Daengx gih canjyez bangfuz miz daegsaek cwgoemq

ranzungzhoj 97.04%, miz 99.06% vunz gungzhoj doenggvaq guh canjyez gyalai souhaeuj ndaej vutgungz, cauh'ok canjyez bangfuz youqgaenj ciengx vaiz ciengx yiengz, ndaem makgaivaiz, ndaem caz daengj, caenh'itbous caepmaenh gya'gvangq gij cingzgoj vutgungz gunggeng caeuq lajmbanj hwnghoengh doxciep ndeindet, baujmaenh mbouj hawj dingzlai vunz ndaej vutgungz haenx dauq bienq gungz, vih cienzmienh doinyoengx lajmbanj hwnghoengh dwkroengz giekdae maenhsaed.

(Ciengj Yauz)